

Allanguutissatut siunnersuut

uunga

Uunga siunnersuut: Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allannqortitsineq pillugu Inatsisartut inatsisaat

Naalackersuisunit pingajussaaneerneqarnissaanut saqqummiussaq.

§ 1-imut

1. Nr. 2-p kingorna § 1-imi ikkunneqassaaq normutut nutaatut:

” 01. § 6, imm. 2, imatut oqaasertalerneqassaaq:

“ Imm. 2. Qanganitsanit nunamit peerneqarsinnaanngitsunit 2 meterinit qaninnerusumiittumi ingerlatsisoqaqqusaanngilaq. Tamatumali akornusinngilaa tamat inussulianut aamma inussulianiittunut nalunaarsuutinut ornigussinnaaneri, tamanna qajassuussisumik aamma sissuertumik pippat.”

2. § 1, nr. 3-mi, § 6, imm. 4 imatut oqaasertalerneqassaaq:

“ Imm. 4. Nunami allannqutsaaliukkami Kalaallit Nunaata Avannaani aamma Kangiani ingerlatsisoqarsinnaanngilaq sunilluunniit qanganitsat nunamiit peerneqarsinnaanngitsunit 100 meterinit qaninnerusumiittumi. Tamatumali akornusinngilaa tamat inussulianut aamma inussulianiittuni oqaluttuanut ornigussinnaaneri, tamanna qajassuussisumik aamma sissuertumik pippat.”

Siunnersuummut oqaaseqaatit

Nalinginnaasumik oqaaseqaatit

Allanguutissatut siunnersuut saqqummiunneqarpoq Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap siunnersuutip aappassaaneerneqarnissaanut atatillugu isumaliutissiissummini Naalackersuisut kaammattornikummagit, siunnersuutip pingajussaaneerneqarnissaa sioqqullugu allanguutissamik siunnersuuteqaqqullugit, siunnersuummik Naalackersuisut ersersitsisimanerannut naapertuuttunngortitsisoqarnissaanik, ajornartinneqassanngitsoq inussuit atorpeqartarsinnaaneri, inussunniittut oqaluttuat atuarneqartarnissaanni, tamanna qajassuussisumik aamma sissuertumik pigaangat.

Siunnersuutikkullu taamaasilluni erseqqissarniarneqarpoq inatsisini aalajangersagaasunik qaninnerpaaffissaligaasunik illersuinernik aqqissuussinerit akornusinngikkaat tamat inussulianut aamma inussulianiittunut nalunaarsuutinut ornigussinnaaneri, tamanna qajassuussisumik sissuertumillu pigaangat. Tamanna isiginiarneqassaaq Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaanni § 6, imm. 1-imut atasutut, tassani aalajangersarneqarmat eqqissimatitsinerup kingunerigaa eqqissimatinneqartut ajoquserneqassanngitsut imaluunniit tamakkiisumik ilaannakortumilluunniit nuunneqassanngitsut.

Inussuit aamma inussunniittut nalunaarsuutit oqaluttuallu annertuumik nassaassaammata Nunami Eqqissisimatitaasumi Kalaallit Nunaata avannaani aamma Kangiani, kisiannili aamma nassaassaasarlutik Kalaallit Nunaanni sumiiffinni allani. Ornigussinnaanermut tunngatillugu aqutsisoqarnissaanut apeqqummi inussuit aamma inussunniittut nalunaarsuutit oqaluttuallu nalunaarsukkat tamarmik pineqarmata, apeqqutaatinnagu nunatta sua tungaani inissisimani, allannguutissatut siunnersuutikkut taamaattumik siunnersuutigineqarput allannguutit § 6, imm. 4-mut nutaamut atatillugu, nunamut allanngutsaaliugaasumut atatillugu, aammalu ataatsimut isigisumik § 6, imm. 1-imi malittarisassamut atatillugu.

Aallaaviutillugu (suliniutinik) ingerlatsisoqarsinnaanngitsoq, ilaatigut tunngaviuvoq pinngitsoorumaneqarmat inuit tamat akornanni mianersuaalliorlutik qanganitsanik eqqissisimatitaasunik ajoqusiisoqarsinnaanera. Inussunnulli tunngatillugu pissutsit imaapput, inussuit taakkunaniittullu oqaluttuaatit, qanoq ittuuneri tunngaviullutik inuit tamat susassarissusaagaat, sukannersumillu inerteqquteqarneq inussuit inussunniittullu nalunaarsuutit oqaluttuallu tikeqqusaannginneri siunertaanngitsumik kissaatigineqanngitsumillu inussuit oqaluttuaataasalu atorneqarnissaannik siunnerfeqarnermik kissaatigineqanngitsumik killiliissammat.

Siunnersuummi aalajangersakkanut ataasiakkaanut oqaaseqaatit

Nr. 1-imit

“Qajassuussisumik aamma sissuertumik periaaseqarnikkut” paasineqassaaq inuit tamat sumiiffimmiissinnaanerat atuisinnaanerallu inussunnik aamma oqaluttuanik inussunniittunik mianersortumik pisassasoq, inussunnut qanillatornermi, inussunniittunillu nalunaarsuutinik oqaluttuanillu atuarnemi, aammalu oqaluttuanik nalunaarsukkanik inisseeqqittarneq pisassasoq aseruini. Tamatumalu aallaavigivaa qajassuussinissaq aseruinninnissarlu.

Nr. 2-mut

Qanoq “qajassuussisumik aamma sissuertumik” paasineqassanersoq pillugu innersuuneqassapput nr. 1-imi allasimasut.